

小峴山人詩文集

小峴山人詩集卷四

無錫秦 瀛浚滄

過觴舫先生書齋時先生年六十矣以詩畱贈

憶向金臺弔望諸三年曾上 國門書歸來事業窮愁

裏老去文章涕淚餘豪氣漸消還說劒名心已淡合揮

鋤家傳畱得遺編在頭白荒齋守蠹魚

先生于先世遺集藏弄最富故

之及

訪友

杏花擔上賣餠簫二月春寒壓短橈欲挂輕帆何處去

故人家住綠楊橋

別意

離尊多在郭門西楊柳新陰漸滿堤如此綠波人又別
年年不到栗畱啼

毘陵與舍妹別有作

百里毘陵道扁舟到爾廬淹畱纔隔夕惆悵復離居計
拙生涯賤家貧骨肉疎津門天際遠應寄大雷書

舟夜

日夕思佳人迢迢隔南浦空江水氣上流雲滿窗戶鄰
舫一聲簫煙深舵樓雨

望金陵有懷碎琴

南國真天塹青山百里餘
鶯花才子夢樓閣美人居
欲訪滄江客誰傳白下書
閉門陳正字風雨定何如

渡江有懷

江雲漠漠生遙指西津渡
故人昨夜別何處還相遇
打槳入寒潮月上蕪城樹

丹陽

江樹江花繞郭開丹陽古驛暮雲隈
頻年失意誰知己此日停帆獨舉杯
天地何心潮落去山川無恙鳥飛來
平生歌哭真難已醉自延年墓上回

丹陽有石曼卿墓

揚州

傷心此地作南朝隋氏離宮已寂寥
雨暗雞臺春似夢
月明鳧舫夜添潮
空傳殿腳三千女
不記簫聲廿四橋
悵悵玉勾斜
畔路楊花飛盡短長條

江上有懷

江波如此深此是故人心
攜我江邊夢聽君鄰上琴
調高風易斷音苦月先沈
太息廣陵散相思楓樹林

揚州絕句

記得江樓唱冶春
小秦淮畔綠楊津
風流不見王司理
煙月揚州夢裏人

傷春無復杜分司
十里城南颺酒旗
夜月吟殘紅豆子

湖州太守鬢如絲

吳園次句云把酒咒東風種出雙紅豆人爭誦之園次揚州人曾官湖州

太守

宿遷

鍾吾城郭莽蕭條事去英雄恨未消
垓下何人曾衣錦
蘆中有士慣吹簫
無情白草連天迴
極目黃河入海遙
那向壚頭沽濁酒
孤篷細雨晚瀟瀟

挂劍臺

慷慨思吳季荒臺尚至今
孤墳知已淚一劍故人心
我亦報恩子徒爲弔古吟
誰能激高義然諾重黃金

過魯仲連射書處

六國旣虎視聊城駐燕軍一發魯連矢齊祀賴以存阜
哉天下士談笑策奇勳功成竟拂衣軒冕奚足云黃鵠
志千仞意氣凌高旻下視燕與雀齷齪非爾羣尚節豈
輕世仗義能解紛至今射書處日暮生寒雲

東昌寄舍弟

回首滄江有白雲鵲鴿辛苦又離羣魯連祠畔題詩處
落日輕帆憶卯君

臨清道中

微子城邊濁酒醒晚來秋雨打船聽大風東海今蕭瑟
不見山人謝四溟

垂楊渡口柳參參
瑣碎箏琶市上談
寂寞江湖敬亭叟
已無人說左寧南

滄州

十里黃雲鎖雉媒
天連渤海首重回
西風未得乘槎便
且向麻姑覓酒來

寄友

故國清尊悵別筵
楊朱岐路忽三千
關河風雨正秋夕
爾我頭顱非少年
八月新霜凋薊葉
五更殘夢落吳船
孫郎帳下才還健
醉看青萍莫惘然

懷友人在雲中

我憶雲中戍，關門絕塞開。
燒痕侵馬邑，秋色老龍堆。
射獵三城壯，鳴笳萬里哀。
遙憐李都尉，更上白登臺。

津門秋感

薊北霜寒上敝裘，瓦門關外客登樓。
中年親串多華髮，此日山河又暮秋。
葉落雍奴笳吹動，雲迷碣石鴈聲愁。
飛揚跋扈平生志，鑿空終當萬里游。

平沙獨立感蒼茫，濁浪滹沱落日黃。
鄉里未能乘下澤，侏儒久已笑東方。
竭來燕趙悲歌地，欲問邯鄲挾瑟倡。
馬客幽州最無賴，爐頭日日醉千場。

西風蕭瑟角飛城，北望長安秋氣清。
俠少短衣誇射虎，

通侯小隊試彈箏，依劉有客悲王粲。
論蜀何人似馬卿，辛苦西南諸將帥。
荷戈今日尚論兵，時西川未平

黃金突兀暮雲封，郭隗于今未易逢。
塞上寒煙橫獨鹿，天邊秋色隱盤龍。
鯨魚吸浪生鱗甲，海鳥迴風怯鼓鐘。
江上季鷹無恙在，五湖歸去擬相從。

寄江上琴僧

上人江上住，日夕彈瑤琴。
一曲響江水，數峯連竹陰。
忘言清淨理，相悅妙明心。
別後九龍雪，長懷祇樹林。

雙樹軒夜坐

三更酒盡鴈聲中，搖落無端歎轉蓬。
高館一燈寒照雨，

清霜孤角斷隨風
鷓鴣醉拭牀頭劍
霹靂思彎塞上弓
五岳峻嶒心尙壯
男兒那似可憐蟲

九日

秋老燕山下飄零
正憶家清尊逢白
雁愁眼見黃花風
雨鄉書少關程客
夢賒故園諸弟在
何處望京華

晨起懷山中

寒窗射朝旭幽鳥
鳴深院疎林葉早
脫荏苒節物變我
本巖壑人九峯何
婉孌秋陰幕西崦
泉聲戛南澗露泣
草猶滋霜霏菊逾
絢亮有山中客識
彼邱中善披襟多
古懽採芝有餘戀
胡爲苦滯淫瑤琴
復誰薦

寄家光佐兄

伯兄兩月長安往潦倒風塵不得志策蹇頻經許史廬
吹簫幾過金張第聞說朱門豔綺羅三千珠履狎鳴珂
筵前美女善行炙帳下諸郎工唱歌世間萬事柰何許
三十無官獨愁汝觴罷從他白眼看憂來只共青燈語
男兒刺促真可傷少壯不得誇身強黃金臺邊市駿骨
爲我一弔燕昭王幽州十月北風烈韎韡狐裘寶刀折
月落桑乾五夜霜塵消碣石三更雪高陽酒人今在無
賣漿屠狗皆吾徒平生肝膽向誰是與君且訪城南壚
齋中微雪寄故園親舊

晨興罷盥漱寒氣入簾幙流霞入衣裾旣止時復作繞
簷喧衆雀屋響殘籜畱連池上居遠憶在邱壑言有
素心侶離居更寂寞俗薄道自敦意愜理無忤何時一
瓢酒就爾西窗酌

咏橘

青山未買夢吳淞霜熟三秋客思濃奴婢千頭高臥穩
故人家近莫釐峯

送友之嚴州

送爾桐廬去寒江落晚楓灘聲孤枕上帆影亂山中許
劒荒亭在披裘釣渚空此邦重名義猶有古人風

聞張綿齋死事金川

綿齋名世永渭南人丁卯孝廉宰濟源多惠政
嘗延余爲盤谷書院山長未幾以憂去服闋奉
命入蜀遂與金川之難

解舍分襟王屋前從軍辛苦事防邊蠻荒落日犍爲路
故國秋風鄠杜田歸骨一抔空馬鬣招魂萬里殉狼煙
巫陽不語神傷劇淚盡童烏向左綿

綿齋一子尚幼

冬日雜感

遙睇西山翠鬱盤朝來爽氣近長安客經燕市悲歌易
世少元王設醴難馬上鄉心橫督亢尊前客夢渡桑乾

却憐更有征西卒去犯邊城朔雪寒
往事瞢騰中酒眠蹉跎踪跡又經年人間莫看彈碁局
天上猶勞貸聘錢零雨一燈淹越鳥清霜十月冷吳綿
近來作達能齊物讀到南華第幾篇

擬古

君不見曹子桓城南射獵誇據鞍又不見劉越石戍樓
清嘯能却敵丈夫生不乘朱軒瑟縮無殊蝨處禪出門
四顧臨高原黃沙颼颼風雲昏忽遇梁將軍聲勢何烜
赫更逢霍氏奴調笑酒家側吁嗟乎文章咄咄濁乃公
英雄失路迷西東邯鄲婦嫁厮養卒宿瘤女人齊王宮

雞蟲得失類如此五陵游俠從此始拔劍人稱報恩子

冬夜奉懷翦舫先生

掀髯談笑却熊羆北阮清狂是我師精騎文章仍白帽
微雲風調只烏絲幰從柱下探周史老向燈前注楚辭
應憶黃金臺畔客打簾飛雪撲吟卮

題成容若先生側帽詞後

少年裙屐擅瓊枝側帽風流絕代詞醉寫烏絲憐杜牧
笑吟紅豆記王維人生易斷鈞天夢世事方爭博道基
皂莢塍邊問才子鴛鴦社冷不勝悲

古詩三章荅鄧午厓

春風吹燕草渤海苦滯淫故人在上谷惠我瑤華音千
里有同調殷勤念苔岑意氣匪余慕道義良所欽通志
亭在野得朋喜盍簪雲中兩黃鵠比翼巢珠林中路一
相失離思浩難任

上谷天下險山川莽撐拄紫塞控鴈門清流引雞距北
望軒轅臺落日河聲怒時平無壯士按劍獨悲懽仰見
浮雲徂因之憶儔侶亦有同袍者戚戚感羈旅知音世
所希盍歸守環堵

浮雲川上來君言返舊廬悠悠魯門道輕烟蔽歸墟婚
嫁雖未畢糲飯樂有餘東皋集朋輩共摘園中蔬吾家

濱具區三徑荒苗畬莊鳥每思越馮驩歎無魚遙瞻徂
徠下故人意何如巢父不可作懷古一躊躇

銅硯齋歌爲吳念湖進士作

易州農夫畊田獲古錢盈釜石硯一硯背飾以
銅硯佳而製古鄭君宮調得之以贈津門吳進
士念湖遂以名其齋作歌紀事屬余賦此

延陵家住津海湄齋名銅硯紀以詩茲硯流傳問誰某
易州農夫始得之其友鄭虔今所貽移置几張書帷
瑩如寶刀瘦碧珪紫肝碎割癡龍癡蟾蜍晝吐流芳脂
霜銅腥澁松烟肥一座傳看生光輝神物從來有成毀

吳都片石秋雲委爲言茲硯古沈淪渺難紀青蚨一釜
同瘞埋幸不拋擲溥沱水天陰月黑風怒號光恠騰躍
離神皋斑斕苔繡土花碧靈液洗出劫堂劫嗚呼阿堵
爾何物乃與茲硯爭拂拭風塵瀕洞六百年宣和政和
字髣髴君不見銅雀瓦臺城磚沙泥剝蝕隨雲烟青蓮
栗岡楊氏鐵往往硯以名人傳硯兮硯兮汝豈偶延陵
公子眞汝友長與此齋垂不朽

題顧衡皋燕臺曲後

鐵撥鴟絃綺思多當筵贏得遶梁歌祇應愁殺西江水
酒綠燈紅柰別何

衡皋今之江右

無賴春光二月時
麴塵如夢雨如絲
好將此日燕臺曲
添入徐郎本事詩

送程湘左赴中州學使幕四首

九月商飈急
西山葉落頻
憐君不得志
此日重依人
鄉路看新鴈
征衣續舊塵
離堂罷尊酒
含意竟誰申

疋馬去中州
山川我舊遊
文章歸雪苑
燈火話樊樓
樹裏黃河壯
雲邊翠嶽浮
當年題壁處
太息惠洪休

謂相國寺

僧堃

類谷讀書處
故人今寂寥
九峯閒蠟屐
三徑長蓬蒿
白髮游應倦
青衫酒未消
阿翁如把臂
能不念孫樵

湘左向讀

書于諸丈杏塋之類谷居湘左杏塋壻也
子與孫蓮峯每過從今杏塋客游封邱

步履虛亭敞相將眺翠微

湘左每邀余登陶然亭

獨隨星使去從

此酒人希燕市空求駿夷門有落暉逢迎知不少別淚

莫沾衣

程秋泉以新詩見示輒題其卷

燕山黃葉落我獨閉門深大雅誰高格夫君多古音風
清松際鶴露洗礪邊琴把卷再三歎淮南生遠心

秋泉山陽人

紀事三首

盜起潢池敢弄兵中書奉

詔特專征牙璋七萃風雷

動無棣新移上將營

山東民王倫反公督師自德州前赴臨清征勦

上命大學士舒

烽火先聞擾壽張中宵排闥盡登堂縣官分作常山舌

猶有殘民慟國殤

賊破壽張直入縣堂知縣沈齊義罵賊死妻女皆死之

慷慨登陴漳水隈椎牛饗士亦雄哉孤城莫道纔如斗

不遣三更霹靂摧

時從父方權州事嬰城固守賊犯臨清徹夜礮聲不絕城竟得全

旁午軍書赤羽飛頻傳消息到京畿全家此日看無恙

聞道清源已解圍

有感

便擬乘鸞上玉京罡風吹墮隔層城漫稱蘇軾知方叔
誰道揚雄似長卿少日雕蟲空自悔頻年刻楮竟何成

書生聞說從軍樂投筆何當學請纓

中酒心情苦不支長安拓落感生涯
猛判花事拋風絮難遣鄉愁驗髮絲
賓客空懷魏無忌交遊莫倚鄭當時
江南杜宇催歸急通潞扁舟下未遲

哭蔡鶴汀同年

鶴汀名勳奉新人與予同舉順天
受知寶東舉先生乙未下第後沒

入麤枯桐尾半焦中郎弦斷最魂銷
春風一覺釣天夢欲向西江賦大招

豫章南望暮雲低千里覓歸杜宇啼
劒外若傳消息到

更教老淚落巴西

時尊人官
巴州牧

大明湖

遺堞參差渚水昏，曾傳皂蓋駐東藩。
哀絲急管今蕭瑟，池上空懷北海尊。

佛頭螺髻映淪漣，青入齊州九點煙。
海右風光還似舊，

鵲山寒食泰和年。

元遺山句

濟南名士已飄零，落日蒼涼水上亭。
好趁棠梨尋斷碣，一尊閒弔李滄溟。

明湖秋柳最魂消，無復詩人繫畫橈。
猶有殘陽幾株在，亂鴉閒坐說無聊。

歷下亭

玻璃千頃涵清冷，女牆倒影浮空冥。
一堆蒼烟半天墮，

佛頭削出華不音附青海右從來此亭古狼籍荷花香十里江妃蹋浪舞雲綃合沓飛來繡江雨三年作客百不堪潦倒落魄風塵諳雪色金臺照行騎酒痕燕市汚征衫天意欲我富邱壑下第東行涉濟灤平生遊屐緣非慳嵒湖秋色尊前落長虹宛轉鳴潺湲芙蓉橋畔飛白鷗狂歌爛醉不歸去城頭月子看彎環

聞友人說登州之勝以詩誌之

聞說三山好曾登第幾峯島夷仍禹服滄海盡齊封城郭人煙合樓臺蜃氣重安知九州外吾欲問雕龍

青齊懷古二首

齊國雄風大營邱是故都履傳師尚父人憶管夷吾涕
淚牛山裏游觀蜚海隅如何爽鳩樂廢苑又啼烏
稷下三千士臨淄十萬家侯門亡狗盜海島散蟲沙風
俗傳鳴瑟神仙指去槎秦皇臺上望落日徧琅邪

酌突泉

濟南名泉七十二灤水鬐沸此發源三窟隆然泄精氣
驪龍伏地不敢吞女媧蹴踏鰲背坼鑿開混沌鳴潺湲
蒼峽倒流海波立寒潢怒捲水車翻爆飛迸月紛破碎
雷驚挾雨隨崩奔造化作意弄狡獪元竅嘘吸裂厚坤
我來忽發御風想飄颻兩腋思騰翥澄潭夜靜照虛白

明珠髣髴藏胚渾幽脈凝滋汎雪乳靈肺含液噴銀盆
鷗波道人不可作一甌且與盧仝論

夢得家書有作

珍重秋宵夢分明一紙書他鄉授衣候華髮倚門初貧
賤無長策生涯少定居明朝問詹尹歸計竟何如

聞家光佐兄沒於苦山中賦此志悼

憶從薊北別離筵風雪旗亭一惘然多難羈孤餘隻影
浮生哀樂到中年家貧門閭空高宦身沒妻兒少薄田
何事荒庭悲鵬鳥人琴淒絕隔江天

中秋夜泊黃河口

乘槎客興漫蹉跎木葉淮南下夕波明月向人懸碧落
秋風吹夢渡黃河一羣鴻雁樓邊早幾處關山笛裏多
心折刀頭欲歸去吟成水調奈愁何

淮上見月

川塗夕流駛北風吹五兩雨歇水氣涼明月葦間上微
微淮甸鐘渺渺楚人榜挂席久秋烟烟際魚罾響

青浦道中

古驛秋風欲滿川望中雲樹隔由拳地尋張掾蓴鱸國
人在米家書畫船流水有情雙槳外夕陽無緒一尊前
浮生去住同萍梗輸與閒鷗自在眠

舟中卽事

山郭青旗過五茸一帆秋水剪吳淞江楓落徧橫塘路
又聽寒山寺裏鐘

由青浦至崑山舟行墟落間卽事

秋色東南正渺然一帆疑葉下吳田柴門流水微通徑
細雨斜風不滿船晚飯真宜舵樓底清樽重憶草堂前
玉山又是匆匆過回首茸城但夕煙

吳門有感

斜日胥江蕩畫橈梧宮葉落雨瀟瀟舵樓忽送吳娘曲
吹過城南賣酒橋

重向蘇臺問柳枝金閨門外一絲絲十年畫舫曾游處
不記如塵似夢時

三年來余友范漱泉劉雪坡程湘左從兄光佐皆
相繼殂歿心甚愴然阻風長淮感念舊雨以詩志
之

孤棹淮干歎滯淫知交零落易沾襟山陽淚盡愁聞笛
子敬神傷罷撫琴乞食千秋窮士恨悲歌一曲酒人心
九原不作長年少荒塚年來宿草深

泰山

洪荒初闢大小東擲下幾朶青芙蓉震維定位神所鍾

萬古突兀撐圓穹蒼翠一氣連龜蒙徂徠新甫如附庸
千支萬派胥朝宗七十二代誇登封秦碑漢時銘豐功
牲帛酒醴陳璧琮荒忽舛蠻升天中云云亭亭煙冥濛
宣尼登眺凌崆峒白馬疋練吳門空亂石礧礧山龍從
我今躡磴披蒙茸蓬壺員嶠開玲瓏次扉詆蕩喧天風
尺咫如與閭闔通千丈之柏百尺桐蒼官蜩磔森長松
之而鱗鬣皆虬龍連蜷恍揖支離翁中有一道靈泉春
往往流出桃花濃珍珠簾捲鳴琤淙如奏琴筑諧笙鏞
仙之人兮忽來逢洪崖先生浮邱公身騎白鹿攜碧筇
傍侍玉女隨金童我欲採藥相追從采姿石質青霞容

縹緲鸞鶴何處峯徑去不顧迷仙踪但見足底雲逢逢
兜羅絳裹衣戰重非烟非霧飛蓬鬆須與雲散豁翳雲
海色湧現摩青銅之果褐石何其雄點點浴出如浮舡
山色欲暝聞暮鐘叩門投宿蓬萊宮奇景已歷目已窮
收召魂魄還惺忪夜傍日觀眠未終天雞未唱天朦朧
忽驚電掣雷豐隆禽奔獸駭聲礧礧起視星斗光熊熊
長飈亂搖落我胷三更日出搏桑紅

丙申春迎鑾山左召試於泰安行在特
授內閣中書感恩述事敬賦一律

萬乘雷聲動至尊岱宗春曉射朝暎東方賦就詢

黃閣

上召見大學士金壇于公問諸生中有知東西掖方三大賦題來歷者否公以瀛卷對遂入選

天高傍紫垣衣鉢兩朝誇射策

閱卷大臣于公同少司農山陰梁公皆乾隆年

間以第一人及第大司馬長洲彭公已致仕以制科再迎鑒來行在亦與焉則雍正丁未狀頭也

世渥承恩

先高祖宮諭公以召試博學鴻詞再入翰林瀛復以召試授中書誠異數也

勞望眼重闌切傳喜何時到里門

周公廟

叔父宗盟長元公氣象尊業垂周禮樂祚啓魯屏藩荒寢岐陽遠遺墟少皞存廟庭瞻衮繡配食尚諸孫

孟廟

夫子知言者千秋紹素王斯文闢楊墨吾道困齊梁尚

紀三遷里仍依數仞牆巖巖瞻氣象俎豆嶧山旁

平原弔顏魯公

平原一旅只書生傳檄人推萬里城如此神州無義士
從今天子識真卿首存河朔開宗社舌有常山是弟兄
至竟孤忠委蛇豕荒祠憑弔淚縱橫

白溝河

拋却燕雲十六州猛判此地割鴻溝汴梁立國原來弱
耶律分疆得幾秋臥榻容人酣枕席防邊無將豎兜鍪
憐他城下盟何急終古澶淵恨未休

雄縣

瓦橋關接古雄州吹角高城起暮愁猶有易京樓外水
西風無恙蓼花秋

阜城

行人說御莊遺堞昏鴉裏如何無角龍偕號稱天子

趙北口

九十九淀水水氣斜陽昏空傳大如礪舊事笑公孫

酈亭

寂寞古城道

古城在
新城縣

重過酈氏亭一盂紫淵水曾注道

元經

樓桑村

不見中山系樓桑蓋影空年年思望帝遺恨永安宮

盧溝橋

曉踏盧溝月西山壓女牆桑乾河上草吹綠滿漁陽

髯仙行弔劉思茗

吾鄉劉思茗先生以詩聞于時老而不遇丙申
秋余之官京師與先生別既晤兵曹王西園表
兄知先生于是冬病歿兵曹作髯仙行哭之先
生固髯也余素識先生情何能已

伯鸞溪上烏啼樹風月湖山問誰主蔓草空悲白社人
衰楊徒泣青山雨憶從束髮識髯仙飄飄意興凌秋烟

看花幾著阮孚屐載酒頻呼范蠡船中間落魄安可說
郢門夜雪金臺月章句從教老布衣功名只着添華髮
浩然歸去百不憂掀髯一笑同浮漚問字幾家推著述
閉門三徑擅風流自昔騷壇數才調劉伯仲誇雙妙
劉震修先生兄弟嘗與
先宮諭唱和碧山吟社
蘭成況似庾肩吾子敬寧輸王
逸少先生長于詩近來老輩頗凋零藕船不作雙扉局
華藕船先生于先生爲
中表亦工詩去年病歿
空餘破卷畱殘蠹已悟浮生比
斷萍那堪歲晚京華住凶耗傳來重歎逝可憐吟斷鮑
家詩化作黃壚數行淚

題王梧溪小像

梧溪名逢元末江陰人自號席帽山人于淮張時常爲畫策使降元

及洪
號將

年

瘦骨峻嶒筆有神風流席帽大江濱隗割據曾參幕
徐穉歸來不作臣梧溪有吳門感懷詩云南州孺子爲民在詩似義熙書甲
子人從洪武哭庚申鐵厓老子梧溪叟省識東吳兩逸
民

人事

人事有新故至情無淺深那能重會面只是惜知音重
以逝者歎兼之長別心山邱與華屋怊悵雍門琴

小峴山人詩集卷五

無錫秦 瀛淩滄

題李畏吾舍人烏巖圖

東南一髮連天柱，海色青青照煙嶼。
白茅老屋嵌空巖，知是李侯憶親處。
李侯至性人，菽水良足娛。一朝廁朝
列，日向東華趨。臨漳高臺不可見，閩山
萬疊遮親廬。惻然念反哺，感彼尾畢逋。
頻年祿養志未逮，屬客寫作烏巖圖。
圖中富山水，迴與人境殊。丹崖翠塢，
仙所都。采芝劇藥，靈根腴。不然廚竈炊
香菰，阿翁一笑朱顏朱。胡爲啞啞聽白
鳥，望雲此志徒區區。撫圖我亦思鄉里，
同是

長安宦遊子對牀昨夜夢高堂時余兩弟同寓京邸九點西神白

雲裏

覺生寺大鐘歌同潘蘭公溫箕坡南舍人賦

城西五里尋名藍華鯨哮吼萬籟韻四百年來幾遷徙
勝朝舊跡了可諳當年成祖尚釋教鑄金特勅道行監
華亭學士號大沈素工八法銀鈎鑱梵天寶藏勒內外
銑于名字羅瞿曇擁間圓鏡淨如拭玻黎盆影涵澄潭
徑長丈二重八萬銅質精好殊尋凡方景碧血化燐火
六州鑄錯應懷慙陳之大內等鈞石宮漏聲雜銅壺籤
後來移置向西郭旋棄榛莽如覆甃我朝昇此寶勿

大高懸紺宇法界嚴木魚聲靜齋鼓歇蒲牢轟震彌勒
龕我聞開皇毀成器秦漢三大遭崑爰海陵之世亦詔
毀神物被厄夫何堪嗚呼此鐘仗佛力歷劫豈與塵沙
淹閒來試共老僧叩諸天花雨來穆穆

題王秋史寒柳詩冊次原韻四首同蘭公作

明湖煙雨費評論粉墨蕭疎水一村客散梁園前劫在
夢醒白傅幾株存

柳爲明殷文肅手植

吟蟬落葉愁邊路殘月清

霜蘂裏魂却憶昔年攜酒處旗亭畫壁半塵昏

予曾兩遊濟南

枯枝匝地凍痕新曾爲東風掃麴塵占斷白鳥空有樹
吟殘黃葉更無人漢南暝色魂銷楚渭北寒煙夢入秦

八
山
詩
集
卷
三
一
例蒼涼愁晚晚鵲華飛霰溼衣巾

關河如此玉驄稀欲折長條減帶圍冷鴈聲中侵暮雨
亂山影裏淡斜暉無端金縷經秋盡幾處黃塵送客歸
苦憶江南情緒少燕臺木葉又紛飛

平泉零落打村春無復春前萬樹濃往事總隨池館沒
新愁都付雪霜重閒來司馬偏多感老去秋孌不再逢
詞賦江關蕭瑟甚憑君潑墨寫寒容

蘭公
善畫

送朱明府畫莊還任龍昌

萬里此相送離堂酒一樽西風攜鶴去落葉向君喧雨
雪連秦棧江山指蜀門家鄉重回首朋舊幾人存

時華
滿船

劉思若
俱新歿

寄侯道士

城東桂瓢處寂寞掩松扉洞裏金丹熟林間瑤草肥詩
篇發高咏泉石有清機應念宦游者白雲心事違

寄孫蓮峯

寂寞懷孫楚閉門風雪寒世家青史在

蓮峯爲高陽相公後吾道

白衣難歲月愁中改勲名鬢上看不須憂索米期爾到

長安

題蘭公桂貞曲後

桂貞河間人

傷春傷別杜陵詩禪榻茶煙麝鬢絲一曲檀槽弦易斷

秋墳重唱鮑家詩

金臺走馬兩王孫

謂舍人及蔣雲隈

二月花殘釣弋村
惹我狂

南舊時夢綠楊春巷
枇杷門

蕭后妝樓

遼后妝殘曉幕垂
當年遺恨十香詞
美黛零落同心帶
瓊島秋風又一時

觀舞伎

華屋醺醺酒未闌
朔風吹入玉盃寒
雪花如掌燕冰夜
舞罷銀貂小契丹

直廬夜坐書懷

白髮高堂遠長安五見春書從昨夜至家甚舊時貧辛
苦營婚嫁艱難到米薪頻年叨薄祿何以慰衰親
曝直明朝暇城南騎馬回高齋對殘雪小甕撥新醅旅
食家人共鄉心節物催寄書江上去消息問寒梅

七峯別墅月夜和馮玉圃吏部韻

暮色落空冥衆峯相與青鐘聲度明月林影散寒星高
閣向山迴鄰扉隔磴扃閒來感身世天地一浮萍

文信國祠

天畱正氣作星辰滄海橫流繫此身風雨厓山思帝子
衣冠柴市泣纍臣北枝夢冷梅花月南國啼殘杜宇春

八
異代孤忠鄉後進從公碧血化青燐

明李忠肅邦華自經信國祠死

謝文節祠

憫忠寺內

書成却聘已長饑賣卜餘生涕淚揮滄海只餘孤鶴在
錢塘不見六龍歸衣冠南渡空禾黍日月西山長
蕨薇
天水到公殘局盡蒼涼蕭寺送斜暉

于忠肅祠

在裱補衚衕卽公舊第

倉皇北狩徧傳烽赤手擎天定九重宗社神靈蕉葉夢
君臣涕淚藥丸封金繒不遣歸諸將玉塞終當返六龍
誰道銜冤竟東市恨他徐石誤英宗

春日小病初愈龔若莊拉訪葛巾主人於四松書

屋留飲花下信宿而別賦此走謝

病客懶過春眠蠶兩日乞假休朝參曉鳥啁啾喚遊屐
楊柳潑黛天桃憨佳辰上巳倏已過好挈勝侶窮幽探

葛巾主人富亭榭一徑闌入同下驂主賓五六酒方半

便與雜坐傾罍觥三斗雅接汝陽飲

謂宗室奉國將軍

四座快

聆車公談

苻莊善談噱

婪尾杯泛酒鱗細絲頭毯展石髮鬢

花氣撲欄舞蝶醉醅香入水游魚酣夕陽欲落客半散

畱髡未已餘兩三接離倒載不歸去已聞晚磬喧隣葦

更闌秉燭誦佳句風騷逸響兼雅南太阿躍冶光炯碎

蒲牢戛石音胡函登壇摩壘魏小敵無那齊楚儕邾邾

主人愛我更洗盞麻姑之釀開新罈廣庭無人月華白
鉤簾一笑明澄潭

表弟徐端甫來京師出示先給諫公和吳西齋侍
御韻贈先外祖二磯先生詩一章端甫先生孫也
侍御爲東海門下士先生未弱冠侍御見而器之
爰貽此詩比公和韻時侍御已墓木拱矣今公與
先生相繼謝世又且三十餘年先生家世貴盛生
前轡軻抑鬱以歿而其後復不振振觴舊事撫卷
增喟敬用原韻誌感

新來京雒白衣郎陳跡關心話草堂

外氏冠山堂卽顧仲瑛玉山草堂故

北海內崔盧誇閥閱人間郊島剩文章青山埋骨魂誰
弔白社論詩夢未忘先生流寓無錫自號
蓉湖逋客結詩社省識蓉湖舊
逋客釣磯冷落水雲光

樓桑先主廟

炎精奕葉靖王孫風雨樓桑舊日村一代君臣歸正統
三分社稷策中原赤符讖盡魚鳧國白帝春寒杜宇魂
此地枌榆同沛社天連涿鹿莫雲昏

余宦游六年故鄉交舊零落殆半感念存歿因繫
以詩

少日交游其賤貧草堂燈火話悲辛招魂地下多新鬼

薄宦天邊少故人，白社秋風沙上塵。
劫黃壚夜雨夢中塵，他年絮酒西郊路。
鄰壑蕭蕭涕淚頻。

題杜少陵像二首

像爲杜旼山吏部所藏

不見杜陵叟，麻鞋想像中。
隻身逢世難，入口怨途窮。
慟哭思房相知交，失鄭公如經浣花里。
寂寞草堂空。

離亂經天寶，艱難到蜀門。
高歌朱鳳引，再拜杜鵑魂。
詩卷畱終古，心肝奉至尊。
杜淒涼識遺貌，今日付仍孫。

雜咏

馬上臙脂塞上愁，歸來重問冶城秋。
淒涼天寶年間事，頭白紅顏說故侯。

延秋門上夜歸鳥不見尚書殉故都南國相思紅豆子
春風畱伴柳靡蕪

孔雀菴邊燕子斜紅妝翠袖女朱家瀟瀟暮雨秦淮曲
閒殺棠梨一樹花

黃紬入道玉釵分淒斷琴河水上雲莫唱梅村新樂府
錦城風雨葬文君

憫忠寺

黷武傳貞觀東征到遠藩曾收戰死骨一奠國殤魂蟲
化依僧塔燐飛傍佛幡夜深松月黑古殿易黃昏

送張適園守南籠

萬里牂牁路沅江抱驛樓山川六詔接風雨百蠻秋家

世看青史君爲清恪公曾孫功名羨黑頭塞帷儻多暇不惜寄

書郵

婦弟朱麗臯來京師

不覺六年別長安今汝來懽然逢阿姊一見卽顏開檢
點看行李殷勤勸酒盃家常談瑣碎更漏莫頻催

題李少鶴詩冊

三年不相見獨宦向岑溪作吏山水縣秋風獵獵啼天

高銅柱北夢遠蒼梧西丁載有孤賞君嘗採余詩入孤賞集思君

露又淒

十客咏

人事滄桑幻僊家日月間潮來徐福市花落羨門山白

鶴飛何所青牛去不還摩挲對銅狄塵世鬢毛斑

仙客

何處發清嘯雲中一鶴寒青芝秦日月黃菊晉衣冠松

吹依茶竈煙波夢釣竿從來避世者擾擾恥微官

逸客

伯牙之海上萬籟空沈冥嗒然海山響天外風泠泠作

爲水僊操彈與蛟龍聽曲罷刺船返日落三峯青

琴客

牢落騷壇客文章苦數奇青燈添白髮紅豆寫烏絲恨

別江淹賦山川謝朓詞何人采蘅杜吾欲弔湘纍

詞客

流水古松裏碁聲石上聞曾經白鶴觀忽遇青桐君滄

海幾枰換長安一局分須與看甲子柯爛話斜曛客

竄逐悲遷客烏頭盼未成銅人辭漢殿玉馬去周京夜

月刀鐮夢秋風羌筵聲通天臺上望愁殺沈初明通客

匹馬出門去并州遊俠兒結交亡劇孟長事少袁絲姓

氏何人識平生有劍知西風灞陵雪只道報恩遲俠客

市上問屠沽何人識酒徒乾坤餘白眼風雨弔黃墟六

代懷孫楚三公怒灌夫新豐曾爛醉意氣不能無酒客

名士愛逃禪圓蒲結靜緣空華聊說法淨業欲生天慧

遠尋蓮社維摩住輞川春風絲鬢裏午榻颺茶煙禪客

天子無愁日風流六代歡江山賭酒換戎馬擘箋看綺

閣瓊花醉珠簾壁月寒春燈餘一曲莫恨孔都官

客狎

懷柔縣

雉堞古彈汗荒原立馬看地臨三衛盡天入五城寒列

堠老兵臥前灰幕府殘

唐建松漠府置都督於此

防邊笑貞觀戶闕

是長安

密雲道中懷朱麗臯暨舍弟小泗

相別已成昨亂峯生暮愁馬蹄違鴈去客思與蟬秋骨
肉懷予季親知念阿游前程何處宿吹角古檀州

南天門

峭壁削空嵌丹梯鬼斧劖崖形爭一綫關勢束重巖古

塞熊羆守神扉龍虎銜時平話前劫佛火出松杉

古北口

誰說中原盡雄關鎖鑰開天橫古塞出山壓大荒來白
草蠶房谷黃榆司馬臺長城空設險畱與後人哀

石匣

石匣舊曾宿荒荒孤店門一年重過此雙鬢豈堪論老
樹欹鄰寺寒泉入塞垣青山似相識畫壁已塵昏

三道梁旅店同裘可亭誦山谷集吳彞濤以詩誌
之卽和其韻

憶惜寒溪溪上宿佛閣朗誦涪翁詩

余嘗登武昌松風閣有涪翁遺跡

梅花鐵笛醉三弄西山月出衙半規十年復此把公卷
意興超忽凌峨眉延陵風雅發高唱造句直與造化師
沈寥天迴鳳凰叫塞垣鼓角聲不悲西江一辦更誰繼
卷裏如聽松風吹

穆家峪同吳壽濤裴可亭作

衆峯斂暝色林杪炊煙昏倦客欲投宿白露浩已繁蕭
然茆茨下薄酒欣盈尊勞薪共于役復此塞上村寒鄰
斷人語一枕秋蟲喧感茲撫節物授衣思故園

十六日夜

皓月爛銀盤邊城夜未闌愁兼蟲語碎夢逼葉聲乾兒

女燈前隔關山蓬裏寒京華北斗近都作故鄉看

廣仁嶺遇張訥齋毛雨香旋與別余舊同兩君過
此適一年矣

相遇復相別離懷可奈何聯鑣返京邑獨騎向灤河卽
事夢如昨流年鬢易皤秋風吹客去日月感蹉跎

波羅河屯和鮑雅堂韻

形勝中原外青城舊蹟傳風高落礪石秋老燒雲天旗
影干營靜山痕一塔懸 君王此于狩底用說防邊

中關行帳觀返照和鮑雅堂韻

層巒岡嶺擁一關晚霞低冑夕陽斑雅翎黃掠晴原樹

螺髻青迷大漠山地抹昏煙千帳外天橫秋色亂厓間
西來更指興安嶺古蹟蒼茫是朶顏

塞上曲

青城日落遠蒼茫決潁河流九曲長老馬踏殘邊草白
暮笳吹上塞雲黃林昏古峪狐鳴火風冷平沙鴈叫霜
袴褶弓刀好身手健兒橫獵少年場

帳中聽雨作

夢作孤篷聽雨秋不知今夜宿邊州遠楓月暗出人語
近帳火明懸客愁鄉信寂寥關塞鴈故交零落水雲鷗
西風颯颯入雙鬢明日相看非黑頭

得從叔帖齋先生武昌書

先生自部郎出爲楚雄
守去官後復以事至滇

放歸

叔氏拂衣早書來祇論文離愁漢江水噩夢點蒼雲思
與阿咸語遠看秋鴈羣武昌門外樹涼葉已紛紛

老屋九峯下微雲一卷詩青山餘舊業白首少新知冷

落嵇康寵淒涼有道碑

先生近作哭
薛璞菴詩

平生重風義只與

古人期

重九日廣寧道中作

塞上孤城倚大荒搖鞭無語指斜陽十年田里蕪三徑
九日邊關少一觴晚晚年華看菊藥別離兄弟檢萸囊

白雲瀾斷登高眼不許愁人更望鄉

塞上詠葦

一白皓無際出關逢葦花秋風團塞雪夜月冷邊沙吹
老征人夢飄殘古鴈家看君頭已白莫更惜年華

盧龍

地古遼西郡盧龍絕塞秋黃雲燒戰壘白日挂邊愁亂
磧穿沙出渾河入海流何人吹暮角昨夜夢刀頭

土花園

沮陽一水接桑乾曾說關支此築垣玉砌雕闌荒草外
夕陽紅上土花園

長春淀

灤河如帶繞邊牆
欲問長春淀已荒
柳岸蓮池舊亭樹
月明何處照鴛鴦

澄海樓

邊陲屹重關
高樓俛瀛海
萬古長城下
鬼哭古戰壘
前明國步移
幽薊劇賊夥
白日豎旌竿
黃巾肆屠醢
殺氣煙塵昏
積骸山崔嵬
陰風吹荒燐
黎元果何辜
凶惡旣滿盈
彼蒼心亦悔
遼水聖人出
尺劍定九垓
王師作龍虎
妖氛散虵豸
旄頭殞天星
魴尾起民瘼
壺漿盡來迎
鋒鏑永無馘
鞬譯貢弩矢梯
航獻珠璣中外今一

家昇平逾百載戍卒藏戈鋌壯士脫甲鎧九月天早寒
皓雪已皚皚時清獨長嘯海山邈安在

出山海關至遼陽道中有作

雄關險絕界泥丸積水天浮渤碣寬柳綫萬條通九塞
松花一色浸三韓鶴歸華表青山老榻記遼東皂帽寒
故國秋風來鴈少音書曾否度桑乾

盛京

高山天作聳嶙峋履武祥開八百春一自春陵鍾王氣
從知遼水出真人梯航重譯連三衛弓劍遺髯會百
神荒度艱難貽柞械至今石馬汗猶新

雷喧萬騎到東京日射觚稜麗曉甍紫塞迴臨元菟郡
渾河雄抱鳳皇城周師振旅三千士殷武麾旄十一征
肆祀我皇頻駐蹕上陵歌又譜滄瀛

咏東丹王

大漠西風俊鵲呼蠻韉鐵騎擁雕弧漁洋老子題詩後
不見東丹射獵圖

鑿巫閭

萬古大荒東開天一鎮雄空青塞遼薊蒼翠割鴻濛石
壓危崖樹潮鳴大壑風夫犁莽蕭颯碑碣問遺宮
不信五嶽外茲峯橫九州蒼煙連碣石積水見之罍日

月長松古風雲絕塞秋平生屐幾兩終與向禽游

十三山

絕壁插空冥巖門未了青千尋蟠北戒一氣落東溟松
杏看屯衛辰韓作枕屏何年此開鑿吾欲問圖經

北鎮廟

巨鎮嵯峨表奧區青蒼一抹入徐無虞封圭幣尊方岳
遼塞山川扼上都畫壁雲煙羣后會空堂風雨萬靈趨
東丹遺蹟今誰問寂寂松杉鳥自呼

清風臺

在孤竹城

天地清風在荒臺兩逸民千秋恥周粟一餓伴殷仁山

海餘抔土衣冠有此人遙連姜女廟寂寞拜芳塵

歸思

亂山層疊轉陂陀鴈背西風出塞歌塞上鳴笳關外遶
愁心吹折白狼河

豆葉籬邊穉穉村布帆何日指柴門江南今夜寒樓雨
兄弟燈前說塞垣

雜咏二首

熊公經略壯燕然失計庸臣共棄邊宋室長城思道濟
漢家國是委中涓江山戰骨悲猿鶴洛蜀忠魂泣杜鵑

魏黨借經略以
傾東林故云

遺恨朝衣赴東市不教馬革裹尸旋

熊咏

略經

關陝無家歎式微
纍囚荒寺閉雙扉
冰霜白髮旄猶在
日月黃冠事已非
故國夢回遼海鶴
孤臣淚盡首陽薇
千秋餓死尋常事
不殺恩深自古稀

咏張
僉事

題李石桐詩集

同年李
少鶴兄

東萊有二李叔子
素心諧示我石桐句
共茲冰雪懷名山
雙蠟屐大海一荒齋
荷插甘肥遞長將
姓氏埋寂寞成連琴
泠泠太古音君詩清
似此海上發高吟
千載抱幽獨一時誰
賞心相思不可見
夢寐勞山岑

感懷

四十忽過一艱難已飽經功名仍落拓親舊況凋零塞
草連天白家山入夢青九關紛木葉蕭瑟不堪聽

重經古北口

截業重關帶女牆武功遺蹟付蒼茫東瞻遼海秋雲紫
西壓居庸落日黃事去百年閒虎豹秋高九月散牛羊
蕭蕭故壘樵人識一向西風弔戰場

恭和

御製哈薩克馬元韻

漢時絕域貢天馬赤汗流赭歌爭傳十驥獻白骨利幹
貞觀世亦徠遐邊豈若我朝幅員廣伊犁勒銘今卅

年條支以西烏壘北高昌柳城無石田維哈薩克實近
彼驛驢地產稱蕃焉邊城隙壤許游牧百中取一餘悉
還能邇柔遠古所尚 聖人恩意荒服宣其鄰若土爾
扈特奉法恭順矢益虔佚馬羣來戒攘奪豕突蟻鬪夫
何患 文德誕敷靡不屆不倭遠略永久安於赫 鴻
業炳六合萬年 天子長乘乾

呈竇東臯師二首

微言旣以絕六經尚訓詁卓哉毛鄭徒于世實初祖後
儒聚訟繁立說多齟齬夫子起東海學術靡不舉精微
穹奧窅洞達闢牖戶私智匪所矜卮言固無取下以詔

來茲上以宗鄒魯魏彼捫籥流其識等矇瞽

雕蟲本小伎章句良足愧言惟執聖權文迺載道器六
經旣云亡骯髒及五季孟縣實起衰選言庶精粹吾師
辨流派大小入睹記少步翰墨場力拔班馬幟絢爛歸
淡泊文至道亦至不材殿門牆負劍驚辟咤祭川必先
河登堂務躋截卓然羣倫倡斯文賴不墜

過亦南廬感懷舊事有作

少賤誰知己平生最感恩無衣憐季子乞食到王孫泡
影遺箒在苔痕舊館存藥爐經卷畔何地問泉原

亡弟士蓮之喪歸自京師停櫬於北郭外之泰山

葬閨二年矣哭之以詩

慟哭何時了凋殘到鴈行殞身隨白髮厄閨等黃楊

土運

嘗語余逢閨當有厄其沒以甲辰秋是年果逢閨

孤櫬依蕭寺羈魂返故鄉猶

聞垂沒詔歸柩老親旁

自古無年者如君死更悲紅閨遺幼婦黃口少孤兒萬

事憑吾在重泉寄汝知煢煢今有託是否慰心期

土運無子

余以仲兒爲之子

年似長沙少家如季子貧乾坤容放達風雪飽艱辛已

了今生事堪憐後死人九原翻羨汝早得侍吾親

自昔分梨棗追隨爾竝肩誰知卅年夢易盡兩人緣寂

冥看書札荒殘認簡編對牀如昨日風雨付長眠

重到青山寺

松寮無恙罷齋初一別林巒十載餘重到名山疑夢寐
更尋往事重欷歔秋風客散沙中劫落日塵昏壁上書
容易傷心遼海鶴清泉照我鬢蕭疎

聽松菴

風雨起何處月明林際峯僧依竹爐火鶴語石牀松一
聽太古奏欲尋塵外蹤濤聲飛瀑裏又打六朝鐘

石門

亂葉兼飛瀑紛流石壁間暮雲生別澗寒雨響空山竹

翠侵衣溼苔花腎屋班閒看采藥叟隔嶺杖藜還

獨山門

在太湖口

門東太湖水危湍獨一拳山曾經禹鑿石不受秦鞭日
落黿鼉渚秋高鴈鷺天目窮三萬頃好放洞庭船

爲吳半舫題望月圖

我昔振舵過采石醉呼明月滄江碧扁舟直渡郎官湖
月色冷浸寒芙蓉太息青蓮不可作江邊明月還如昨
我欲停杯一問之明月無言成寂寞延陵家住秋江濱
胸中五嶽高嶙峋知己不逢賀季真年年湯把吳剛斧
欲斫桂樹徒輪囷狂來且對杯中物一向青天喝明月

青天漫漫月晶晶富貴神仙等荒忽瓊樓玉宇天高寒
有客長歌蜀道難歌聲敲碎雙明珰嗚呼君呼明月應
更呼李白一笑人生如過客共上江樓醉吹笛

題馬文肅公遺像卷子

長安城頭烏啄肉天壽山崩陵夜哭攀髯淚盡鼎湖弓
沈湘血染蒼梧竹馬公大節世絕倫捐軀報主稱完人
華表鶴歸非故國夢中鶻咽是前身公少時夢啄文信國化作啼鶻萬里
歸之句乾坤翻覆何堪道忠義如公一門好投繯慷慨
後果驗到紅顏扶櫬間關看白帽清高遺像嚴秋霜
奕葉翰墨流古香百年事已悲銅狄一疏魂猶侍玉皇君不見光

時亨孫承澤一作貳臣一從賊千秋齒冷負公言地下

逢公應喪魄

卷中有公畢命時致孫光兩人書勸其赴義

早春汎舟至望公塢下登石門

隔竹響幽禽人家弄晚陰溪流殘雪淺屋與亂峯深樵
子語寒澗梅花開遠林前蹤石門在寄我碧雲心

溪上

家住青溪上坐對春山碧門外釣船高溪流添幾尺

春陰

半月春陰裏荒齋時晝局疏泉澆菜甲移竹課園丁醉
彷彿來禽帖閒繡相鶴經九峯看似畫飛上一樓青

咏素心蘭

一叢太古色寂寞西堂陰靜結不言契空知无染心白
雲澹幽谷春露滴芳襟采采三湘畔何人彈玉琴

山園曉起

曉日澹秋夢秋風喧戶庭苔階鹿銜果松徑鶴梳翎雲
倒潭痕碧霜涵石氣青嗒然據梧坐蒙叟已忘形

張俊墓

白楊蕭蕭作人語騏驎壞道殘碑仆香火煙銷骨已枯
猶說南朝太師墓太師誰張鐵山臨安半壁方時艱喪
心長腳甘賣國爾輩黨惡阿權奸臥薪應雪靖康耻班

師寬詔將軍還莫須有獄冤魂苦熊貔不抵黃龍府長
城事壞傾道濟偃月謀深贊林甫烏虜鐵山本英傑手
除苗傅功無匹招撫聲名一旦隳此錯真成大州鐵清
涼居士行且休西湖落日騎驢遊東窗夢醒丞相死爾
亦富貴同浮漚窮奇狸骨一抔土楊髡發後藏狐兔穢
墳爭比牧牛菴靈旗羞望棲霞樹

登高望太湖作歌

時余將北上

山風吹我衣飛上百尺凌崔嵬腳底太湖三萬六千頃
滾滾亂瀉碧玉醅澤國風光此奇絕疑是海上員嶠兼
蓬萊龍娥蛟女踢波舞金支翠羽光徘徊亡吳霸越等

閒事極目但見姑蘇臺南唐甲仗亦徒爾

湖上有南唐甲仗塢萬

事變滅隨飛埃湖上人家靠山住千樹萬樹梅花開我
攜玉筵試三弄梅花吹落紛成堆湖山欲別戀清景冉
冉暮色從天來逝將去兮不可以久畱惟有長煙落日
送我山中迴自昔人情重離別况我離懷滿胸臆渺渺
滄波日夜流人情與之浩無極

登君山望大江過圓覺菴

北風吹大江斜日起寒色洲荒蘆葦動渚靜魚龍息烟
散江城青潮回海門黑停橈卸歸篷去鳥背飛翼吳陵
小於髮京峴昏如墨鐘鳴贊公房木落楚人國絕頂聞

松鷗澹月空林得吾生信有涯滄波逝安極

遊山亭

春風昨夜至吹彼芳樹枝晞髮越陽阿仄徑多逶迤嵐
影散彩翠竹光澹漣漪池魚忽浮沉沙鳥亦參差澄慮
寂無營觀化隨所宜賞心不可極夕陽漸西馳無爲逝
者歎物理良可推聊此亭上酌一觴歡獨持

寄友

之子席上珍曷爲守空山松柏不見賞桃李一以繁人
生旣不偶畎畝亦等閑我遊長安道佳麗層城間朱門
多第宅高樓蔽青天一朝委物化不見舊華軒榮貴安

足慕窮賤安足憐君子耻苟得短褐道自全黔婁古高
人抱璞夫何愆夷齊甘餓死志士誰不然知愚同一盡
豈能常百年寶此沒世名仰希聖與賢獨居思所欽遺
子以長言

山中暮

孤笠支雲上松門飯初香采藥不知暮欲下山蒼蒼

山夜

夜泉流暗壑山山木葉飛松間山月上松下山僧歸

憶別

送客江上行春風黃鳥聲至今分手處芳草不曾生

高閣

高閣留明月笙簫夜未闌
宮中多樂府座上幾燃冠
法部新翻伎風流舊倚歡
臨春歌未闕醉殺孔都官

當壚曲

家住金閨口盈盈十五姝
柳花飛滿店鬢影笑當壚
纔淚挑珠鳳絲繩挈玉壺
何人最無賴愁說霍家奴

惠山忍草菴有古姬人墓
載縣志不知何指一友
偶爲余官夜宿菴中嘗有所見
爰仿昌谷體爲賦
此詩

空庭無人露華白金波蕩漾蒼苔濕
同鸞颺颺吹女羅

離騷夜啼山鬼泣隔簾微步驚羅幃十二金釵鬢雲壓
風兮爲裳水爲佩珊珊其來去荒忽巖月欽墮天蒼涼
是耶非耶煙茫茫館娃宮草雷塘樹鬢骨千年土花聚